

參寥子詩集



參寥子詩

集

四部叢刊三編集部

上海涵芬樓景
印宋刊本原書
板匡高十九公
分寬十三公分

高僧參寥集叙

妙搃師參寥大覺老之嗣眉山公之客而少遊氏之友也釋
門之表士林之秀而詩苑之英也遊卿大夫間名于四海三
十餘年矣其議古今張弛人物肖貌否言之從違詩之精粗
若水赴壑阪走丸倒囊出物鷲鳥舉而風迫之也若升高視
下爬痒而鑑貌也元符之冬去魯還吳道徐而來見余與之
別二十年復見于此愛其詩讀不捨手屬其談挽不聽去夜
相語及唐詩僧參寥子曰貫休齊已世薄其語然以曠蕩逸
群之氣高世之志天下之譽王侯將相之奉而爲石霜老師
之役終其身不去此豈用意于詩者工拙不足病也由是
而知余之所貴迺其棄遺所謂淺爲丈夫者乎于其行

叙以謝之 后山陳無已撰

緣之庶高世之志天下之譽王劉謝謝之奉而為可辭矣而
自語及善善辭謝之曰貴朴齊曰世載其語然以觀其
限二十年其具不其受其持體不命手邊其端射不離去
不跡其年雖歸之元孫之冬去曾還吳道余而來見余與之
昔本其意則夫其固囊出於驚鳥舉而風與之也昔其高
十餘年其其蕭古今其與入時自與否言之矣其
詞之其士林之委而轉其之其也其大矣其間各干
必欲而參其大覺其之臨其山之客而少其力之

高前參東集跋

高前參東集跋

參寥子詩集總目

第一卷

廬山雜興

十首

陳季常靜庵



何氏寒碧堂



崔君草堂

虛寂堂

贈陶道人

廖公挽辭

絕句

覽秀亭

歸宗道中

寄王慎中

夏日山居

秋江

周郎中濂溪

陶宣德逸老堂

夜渡採石

秋日西園

題楊君蘭軒

送琳上人

春日即事

臨平道中

寄辯才

游鶴林寺

江上秋夜

過金山

與王元規

三首

春晚

三首

第二卷

邵伯道中二首 平山堂觀雨

建隆秋夜二首

晚步

飲蜀井

次求仁韻

次何子温韻

醉道士石

懷孫莘老

四栢堂

次秦少游韻四首

次黃子理韻三首

次龍直夫韻

次孫傳師韻

春晴二首

東園三首

淮上三首

冬夜會孫莘老三首

曉出土山

寄蔡彥規

次太虛夜坐韻

呈莘老

次王通叟韻

寄仲恭

南樓書事

懷裴學士

呈慶禪師

第三卷

再賦溫泉

游龍洞

次華老贈顯之韻

虛樂亭

朱伯收觀雪

宿九曲池

刊溝絕句

寄李端叔

都下晚霽

酬邵彥瞻

訪蘇學士

彭門書事 三首

虛白齋

贈子瞻歌妓

逍遙堂書事

子瞻飯別

寄李齊州

次子理梅花韻

淮上寄子瞻

別曾逢原

寄逢元

寄端叔

贈鄒醫

寄蘇子由

贈子固 二首

宿軋明

寄莘老

寄李公擇

俞待制挽辭

第四卷

春行

次傳師韻

淮上聞鴈

與怡然夜話

鶴林寺

寄舒堯文

寄叔康講師

登壽寧閣

得端叔淮上書

送慧悟還闕

寄侍其秀才

鍾山夜月

睡起

曾舍人挽詩

子瞻赴守湖州

賦得岸字

南溪泛舟

吳興寄子瞻

田居四時

龍井書事

寄俞伯謨

夏夜

送楚上人

晚興

下湖晚歸

秋日西湖

晨起

第五卷

招李無悔

寄彥瞻

次彥瞻韻

再次彥瞻韻

寄張明甫

探梅

歲寒亭

與元規話別二首

春日二首

春詞三首

駐景樓

見程給事二首

寄濟明

寄俞仲寬

春日雜興十首

雪堂雨中

春日赤壁二首

別雪堂呈子瞻

題徐德之閑軒東坡話別

贈潘邠老

酬周元翁

與曾子宣

送曾子開

過藏書堂

懷少游子實

第六卷

寄王元均

廬山雜興四首

寄黃察院

寄二學士

寄東坡

寄章仲粹

梅花 三首

寄孫莘老

寄子由

和子由韻

寄二居士 三首

廬山懷子瞻

酬周亭叔

訪王荆公 三首

謁天竺觀音

次元翁韻

病中呈劉景文

入智果院

辯才新亭

次蘇仲豫韻

辯才生日

題解頤堂

送仲豫就省

同蘇文饒泛西湖

酬錢塘宰

和景文見示

夏夜懷景文

次景文韻

寒食日

第七卷

別蘇翰林

送景文

贈林子中

辯才夜坐

贈聰道人

送僧游天台

覽子理詩

寄蘇太守

次陳敏善韻

都僧正挽詞

次吳承老韻

免充僧正

送子中三首

呈廖通判

次王行甫韻

同游天竺

次劉韋孟韻三首

游茗溪道場山

夏夜

送蘭花二首

夏日竹閣

送李仲益

訪勤上人

荅曉上人

送俞伯謨

次文饒韻

陪人游天竺

呈章丞相

謁荆公像二首

曾子開話別二首

寄妙懿

觀恭師詩

尋余清老不遇

和劉伯昌韻

次真禪師韻

送文惠還金華

題桐虛齋

題停雲齋

次智果韻二首

次周開祖韻

第八卷

次才仲韻 五音

贈吳子野

送庠上人

才仲山行

神智話別

暉暉堂

次陳叔易韻 音

曉霽

次感懷韻

遠齋

懷仙閣

華亭道中

泛西湖

和元翁韻

和明遠韻

秋夜見懷

送人還金華

宿天竺 三首

晨起

喜人見訪

送明上人之都下

送定上人

次劉蔡仲韻

次黃仲閔韻

蘇夫人挽詞

懷蘇伯達

題雙柝軒

次蘇端明韻

無為堂

示法穎

清聚軒

曉師見別

游徑山

雲巢三首

呈秦少章

送無擇

燕默堂

送嚴上人

懷舊隱六首

懷何彥時二首

劉公挽詞

贈霍山人

第九卷

送劉推官

觀東坡畫

淮上觀水

書秋景屏

過韞秀堂二首

聰師見寄

升師見招二首

殘菊

滌軒

和司馬仲達

題桃竹軒

溪上

聽琴二首

呈應禪師

題養浩堂

題玉淵堂

與定師話別四首

題綠筠軒

懷毛澤民

寄趙伯言

讀東坡南遷詩

讀聞復詩

次聞復見懷韻

寄愚坦

次聞復韻十首

夏夜偶興

次古上人韻

率同志誦經

呈曾子開

送錢持正

寄子開

贈潛照

木犀花

次關子容韻

湖上晚歸二首

子容見過二首

第十卷

弔許元裕二首

湖上秋日十首

贈趙明發

樓試可見招

次秦少游韻

春陰

登西樓二首

送伯言

贈歐陽季默

劉延中見贈酬劉巨載

觀明發圖

次東坡韻

代老人答

子由書事 二首

次試可見訪

揖仙亭

同游嶽寺

試可喜雨

夏夜

觀曹夫人畫 二首

黃天選見寄

次試可宿齋韻

贈德強

秋聲

次天選韻

次試可韻 二首

哭少游 二首

第十卷

寄王晉卿

田承君話舊

呈試可

送王彥齡

次周臣韻

題公震畫 二首

東坡畫枯木

雪齋圖

呈吳明府

王立之園亭十首賦歸堂

送慈義

東坡挽詞

贈孔處度

石菖蒲

送處度試

題孔方平齋壁

行歌亭

次孔處度韻

次方平見寄

題松堂

張公碩不至

用前韻

松圖

韓氏東園

息軒

第士二卷

與蔡秀如

贈耿純叔

讀子蒼詩二首

贈賢上人

喜雪二首

書雀竹圖二首

過韓氏莊二首

內樂庵

杞菊軒

寄潘仲升

送李南仲

佚老堂

贈權上人

孫傳師挽詞

孫智甫挽詞

題遠趣軒

蒙泉堂

夢中作

哭休上人

邃隱堂

呈周格非

觀牡丹

寄信上人

呈趙德茂

寄詵上人

山中書事

寄孔天瑞

聽琴

寄伯言

觀梅花

處順齋

贈聖可

游狼山 二首

容膝庵

酬王衮目

觀伯山詩

雨中偶興

酬趙存道

賞牡丹

贈思正子

次思正韻

維陽秋日 四首

參寥子詩目錄終

容和氣
適王空
贈許丘翁

曠洲
與運司
休休山
音

歸琴
寄詩言
贈蘇林

第十番
為工人
山中書事
寄休天

贈林氏
寄詩士人
呈賦謝

哭林士人
題劉堂
呈風林

韻處
蘇泉堂
雙中林

韻林士人
林對
送音





參寥子詩集卷第一

法孫

法穎

編

廬山雜興

古帝論匡山南國之德鎮邇來得躋攀此語始吾信雄雄壓九
江轟轟排萬仞青天落飛瀑白日雷霆震石鏡俄忽開孤光舞
而運異花無冬春瑤草亦芳潤遠公初渡江道譽藹東晉劉雷
贊高風遯世各無悶陳迹虎溪頭于今誰與訊

眾峰勢連環萬疊不可窮杳烟獨秀拔佳氣常葱葱長風卷游
霧曉壁開瞳矓招提出其下樓觀排青紅回眸盼五老刻削金
芙蓉宜哉謫仙子愛此巢雲松

白鶴峰後原逶迤曠平陸道周問樵子古實青牛谷披榛得徑

無
編

路曳杖藜麋鹿鮑生古騷人曾過鍊師宿明月古壇邊題詩記
脩竹茲焉廢耕隴歲晏空菽粟薄日靜銜山鵲湍瀉哀玉回首
睇吾廬風幡隔林麓

山南信美矣山北尤增竒春風錦繡谷紅素自相依梯空上絕
巘雲日鵲倒窺崖壁暈祥光五色成頗梨旁通大林寺松竹短
且歌樂天當日游四月桃始披餘齡願寄此永與人世違

少文好山林每往輒忘歸余生千載後獨與斯人違
下結字聊棲澤長林拱茂木九夏遺炎曦溪雨晝忽破藤花照
清漪黃鸝語深竹可聽不可窺暮峯騰玄雲飛雨來滂沱亂點
洒蒼壁森森挂青蘿須臾漲前溪蕩蕩浮銀河中流轉巨石出
沒如鼉鼉天宇夜開霽星蟾瑩靡淨玲瓏辨崖樹宛轉照庭柯

詠詩無禁句奈此佳景何

中崑不知暑但覺晝景長朝來出孤定踽踽行西岡風泉漱石
齒松雨飛蒼蒼猿鳥亦我喜麋麋還相將喬林積翠下粲然矚
孤芳冉冉抱絕格霏霏浮暗香山祇美守護每吐雲霧藏寄言
樵蘇子慎勿輕催傷龍湫亘三峽草木皆森竒禪餘得支徑別
塢行逶迤上人吳門秀邈有方外姿芒屨觀兩足策策欣相追秋
田罷刈穫雲水明空陂雙林中禽文彩光陸離雍容事飲啄相
顧忘鷲飛鮮鱗忽騰馥崑桂飄葳蕤峰端卧落日眷此志還期
霜清玉繩曉澗谷風未號澄潭不可極俛盼鷲骨毛豈不有神
物於茲能遁逃海日射兩崖餘輝何昭昭游鱗出岸穴翻覆如
銀刀偶來殊不惡勝事俄所遭聊為五字詠遠愧謝與陶

山深雲物清挹玩洗浮慮昨日行澗南飄然即共履風潭耿危
杓晚與樵爭度隔水認梅花方蘄歲華暮幽人眇江海樂事
期誰預山月獨多情娟娟遲歸路高崑吐音雲倏忽千萬丈援
毫欲名兒卷縮非一狀飛仙或遨游隱隱出其上鶴唳忽吹滅
轉盼惟清嶂山中勝事多彼俗誰能亮

圓月未出嶺衆峰環蒼蒼裴回倚脩竹遲此清夜光俄鶴衆木
顛灑灑浮銀潢玉兔既且躍浮雲亦難妨須臾經中天下矚被
八荒却瞻中外官森森斂低昂一月廬山陽光風動林壑陰崖
折曾水隱隱飛溜落曦和伯化工萬彙欣並作忽忽鳥聲聒艷
艷花霧薄瘦骨喜攀躋甚鞦韆便筭確期遇山阿人賞心將共託
五更山雨餘海月漏雲表流輝入庭戶炯炯白如縞百舌語空

林闕閑催欲曉衆禽亦和鳴爲我釋孤抱杉松本竒姿洗滌看
愈好惆悵桃李花東風卷如掃

通玄接香谷夾道青松直高秋得微雨秀色寒更碧林梢挂
紅子照眼明的的散策從所歡悠悠事遐歷增坊媚煙篆笑
語戀几席陶謝在哉空山獨行迹

陳季常靜庵

龐公與少陵不肯入州府畏人嫌其真但喜歸茆宇先生豈其
徒與世亦齟齬年來作庵榜以靜靜非對動默即語閉門謝客
親待鋤秀甲珍芽春滿圃黃雞白酒厭妻孥醉以詩書相媚媵
况復家傳侍郎後縹囊玉匣收竒古寶刀錯落走金蛇至藥晶
焚嘯鈇虎先生妙齡已絕人放浪江湖棄簪組居閑自不減前

烈遇物陰施功不數我疑造物已收錄富貴來尋君勿阻不然
騎鶴扣玄關跨蹠松喬攀佛祖

何氏寒碧堂

城東十畝春蕭瑟脩竹漫山藹如擲颼颼細浪鳴石齒黯黯蒼
雲翳朝日虛堂正在無有處不惜千竿開翠密鳴鳩野鵲亦解喜
頡頏穿林語啾唧但得涼陰過酒樽莫辭晚色侵書帙蓬萊仙
人爲書榜筆端矯矯龍蛇逸壯觀南來無與倫千載風流君不失

玉荆山人崔君草堂

玉荆山蒼勢蜿蜒玉荆澗碧涵漪漣山人結廬占幽絕如使世
俗來無緣窻前松竹交夏蔭砌下紅紫爭春妍清腸終日飽藜
藿耳目久厭論腥臙山空月晝復鳥寂象床拂拭翻朱絃冷然細

韻發幽指妙意自得人誰傳烏巾席帽事高格蹇驢獨跨何翩
翩行當近林就卜築與子來往聊窮年

虛寂堂

吾聞卓道士操節如冰霜學窺老莊本淵然闕光芒當時世莫
識落魄依四方嘗為京洛游不踐聲利場衣裾卷塵土獨鶴翻
南翔千里不駐足飄飄指潯陽潯陽多名山飛仙共徜徉晚歲
隱城郭古宮極淒涼千金售鄰壤增築成虛堂流塵斷四壁虛
白浮中央惜哉今已往吊影空歎傷賴有賢弟子黃冠挺昂藏
區區慕高格綽欲傳芬芳逐客蘇太史堂堂國之良言為天下重
墨妙逾珪璋為君易華榜庭戶增輝光風流滿江左知子非尋常

遊詠真洞贈陶道人

淵明骨已朽陳迹尚可求我復識其孫長鬢青兩眸相去僅千載猶能繼風流寄跡黃冠中神姿邈清脩相携乃行洞天暝色藹已浮松寒語栖鶴潭靜眠蒼虬蘭膏照深夜風磬鳴重樓吾廬閱三峽清淨亦此侔何時駕鹿車訪我西林丘

廖司法挽辭

吾聞廖夫子名大不得覩讀書盡五車行義按前古聚徒從妙齡所至變鄙魯身雖甘陋巷志欲望伊呂風雲苟超騰名教當有補蹉跎鬢毛改寸祿晚方取青衫適南營素幔歸湓浦秋原起新隴寂寞一坏土悲歌動閭里清血洒如雨蘭玉已含芳行看秀庭戶

絕句

高崑有鳥不知名款語春風入戶庭百舌黃鸝方用事汝音雖好復誰聽

覽秀亭

飛甍巨棟出高墉覽秀開亭實有功溢水秋橫簾幙外廬山晴落酒杯中俯窺城郭千艘轉仰見星河四面同江左元規存舊觀孟侯還此繼高風

歸宗道中

朝日未出海杖藜適松門老樹暗絕壁蕭條聞哀猿迤邐轉谷口悠悠見前村農夫爭道來聒聒更笑喧數辰競一虛邸店如雲屯或携布與楮或驅雞與犍縱橫筮帚材瑣細難且論老翁主賀易俯仰衆所尊區區較尋尺一一手自翻得無筋力疲兩

鬢理霜根吾鄉東南會百貨常源源金鏤衣短後群奴列崑崙
通衢旅犀象顛倒同籬藩蛟綃與翡翠觸目亦已繁少壯供所役
耆年卧高軒翁今處窮獨未易聽我言且當具鹽米歸家飯兒孫

寄王慎中教授

高人屏迹匡廬山不入州府今幾年煮葵烹藿日一飯目光炯
炯明星懸行脩道富神所憐絳帳弟子如雲煙憶昨秋風宿曾
巘杖藜扣戶君未眠堦松影月不到席耿耿唯有青燈然高談
一傾百慮洗似拂蒿艾披蘭荃清詩落筆有餘地頃刻百紙
珠璣聯錦囊別後有新句勿惜東使聊相傳

夏日山居十首六言

杜宇鳴春已歇薔薇尚有餘花吾廬宛同彭澤逸屋美蔭交加

苦笋爭抽豸角批，
枇杷競吐驪珠。午飯松間睡足，
茶甌滿泛雲腴。
紈扇輕裁孤月竹，
簾冷織雙紋。呼取涼襟幽吹，
拂開亂眼浮雲。
麥浪遙翻隴底，
雲峰忽起空端。拄杖支頤松下，
直須細細吟看。
山月明含草木溪，
風暗度襟裳。寂寂簾櫳夜半，
羽蟲相趁飛揚。
陰洞石床初掃，
誰來共飯胡麻。鳥道新疏碧注，
爲君沉李浮瓜。
古徑斜依杉竹，
薰風永日無人噪。鵲鳴鳩去後，
一聲幽磬南鄰。
門外溪行碧玉林，
梢日墮黃金。好景莫愁吟盡，
會看月出遙岑。
山雨洗開林幄，
梧桐日射荆扉。傍砌榴花初吐，
照人特地光輝。
遠壑尚餘殘照，
飛蚊已闌前簷。巢燕歸來何暮，
呼童爲汝開簾。

秋江

赤葉楓林落酒旗，
白沙洲渚夕陽微。
數聲柔櫓蒼葭外，
何處江

村人夜歸

周茂叔郎中濂溪

蓮花峰下水東出其流長十里漱石齒鏘然韻珩璜坡陔瀆野
岸烟烟浮明光衣冠有曠士眷此宜徜徉乞身不待老結屋栖
其旁高風慕箕顛不羨尚書郎松菊手自挿葱蔥蔚連岡了無
川澤營厖以廉自方禽魚出塔塹詎識矰繳防雲山侑几席風
月非迎將萬事委空洞頽然寄壺觴詩書藁屋壁教子心獨強
翹翹雙鳳雛炳炳其文章婆娑刷勁翮雲漢期翱翔高名與溪
水千載同湯湯

陶宣德逸老堂

溢浦城南舊隱淪一堂無地可栖塵石床春卧茶醲砌撩亂餘

花墮酒巾

歸來詩酒洽天機
騷客無煩詠式微
三徑就荒松菊在
洗除蒿艾淨秋暉

夜渡採石

滄江夜半月沉輝
客子行舟失渺瀰
不用然犀剛照耀
波間百恠惡人窺

秋日西園

日月更代顯光華
難並留昔人尚行樂
俯仰無暫休平居得君
子出處常相求良辰緩
余臂共作西園遊極目
瞰平野緬然見蒼洲
千林澹霽色萬韻生涼
秋露華溥菊英藹藹香
可揉參差間畦壠芋栗
森相儔綠蔓無芳安碧
花茂牽牛低回矚籬落
樹

影環清流賞物志已諧何用登蓬丘

山家無外營超然閉幽室蒲團北窻下默坐終永日炎景忽差
池涼颼動蕭瑟中林多橘柚粲粲垂華實凭高試裴回幽興遽
超逸雲霞散平岡太白空際出禽歸杳莫辨積翠鎖深蔚吁哉
宇宙間濩落竟一物胡為市朝客終歲浪汨沒翳吾樂餘生勝
事良可詰放懷在冥冥身世兩俱失

嘗聞晉支遁矯志歸沃洲千載激清風邈哉誰與儔余今雖不
敏萬事冰身謀竭來卧窮谷未覺暫先脩一法尚無遣何勞問
三休卷舒在至理賞詠歸優游採薇陟曾阿濯足依澗流但蘄
桂花拆詎識江漢秋滄溟空汗漫無意狎群鷗

憶昔少壯時意氣摩雲霓游心黃卷間豈顧白日西由來昧根

本且旦從所迷邇獨悟無爲文字如委泥物生豈高下至道良
自齊青山遶吾廬開戶衆鳥啼曉日上喬木秋光媚回溪畸人
長往來絕壁同攀躋遐天淨若掃曠自無端倪楚客一何苦登
臨獨悽悽秋山夜來雨雲氣朝尚昏禪庭無來轍但見落葉繁
石室暗燈火天容開霽痕耳目思遠適曠然啓曾軒長謠緩輕
策去去窮深源方塘滌清流鳧鴈靜不喧時遭羲皇翁容與諧
笑言邈然採真賞歲晏誰與論

寄題濟源令楊君蘭軒

昔人慕猗蘭佩服比脩潔往往卒歲間山中行採掇吁哉昔人
去已久此花憔悴今誰折濟源長官真好古王屋天壇馳遠步
陽崖月窟得芳叢滿握歸來誇所遇淨掃幽軒植蘚壩紫莖綠

葉弄竒姿踈簾風軟日華薄芳馥滿懷君自知

送琳上人還杭

聚水作一雨多少近遠隨所遭或霑枯芟僅濡浹或入巨海成
波濤少林真風今百紀悵惜至此何蕭條喜君齊志早寂寞同
我十載淪芻樵含冲嗜漠不自厭更欲刺口嘗群鱗師門祖席
在在有得此失彼良自嘲竭來東南走千里但願刈楚逢翹翹
馱浮長川不憚惡陟彼巨巘寧知勞誠專志苦若有相行斷西
壤逢英豪金鎚扣天玄榭廓玉電激海明珠高星霜因循共千
日誰爾使子先行包湖山蜿蜒湖水薄湖上幽人想如昨秋入
芙蓉露已溥曉捲簾攏暑初却明明潭底見行雲謾謾空中聞
唳鶴此景從來吾已知異鄉寧羨君先歸由來出處元無隔同

看明朝日上時

春日即事呈定海尉葛叔忱

曾臺宿霞披滴瀝朝露濕有客獨登臨含情空佇立問君佇立
何所為報言遠人嘗有期菊花黃日出山去芳草綠時猶未歸
萬壑千崑望何極願託孤鴻寄消息少年游行易蹉跎翻恐歸
來不相識滿目春暉花爛熳花底幽禽自相喚紛紛萬類皆有
從獨我參差邈雲漢勸君不用長相思容顏消竭神空疲無情
況有西樓月夜夜清光照不虧

臨平道中

風蒲獵獵弄輕柔欲立蜻蜓不自由五月臨平山下路藕花無
數滿汀州

寄龍井辨才法師

法師安遠徒我見常罄折頰網製像運基構甚宏達煌煌四十
載說法傾吳越人天會方丈萬趾常雜遝藹然如丘山四座羞
蟻垤投老倦揮松毅然辭且決飢鷹得秋風轉眈俄一掣結茆
南山陟雲蘿占幽絕昔我海上還相尋訪林樾夜闌叩微要援
鳥寂不聒慧風洒幽襟法雨濯枯枿別來今四載寒暑驚屢閱相
望如晨星杳杳各天末何當從杖藜一笑龍泓月

再遊鶴林寺

招隱山南寺重來歲已寒風林驚隊雪雨澗咽飛湍壁暗詩千
首霜清竹萬竿東軒謫仙句洗眼共君看

江上秋夜

雨暗蒼江晚未晴，井梧翻葉動秋聲。
樓頭夜半風吹斷，月在浮雲淺處明。

邵仲恭許相過金山未至

二月歸來江上居，江流變淥江鷗去。
時移物改何足論，身世悠悠本非固。
鳩鳴屋角山雨餘，花苞破紅滿芳樹。
晴窻曉日幽興催，振衣出戶凌高臺。
潮回浪死風色定，縹緲沙岸煙中開。
故人佳期絕消息，滿眼空看暮雲碧。
何日扁舟南渡來，一洒高風破吾臆。

維王府園與王六規承事同賦

年少王郎一幅巾，杖藜呼我步城闌。
紅泥亭子闌干外，絕目遙看萬樹春。

一霎催花驟雨來，集芳堂下錦千堆。
浪紅狂紫渾爭發，不待商

量細細開

藹藹春空宿霧披
桃溪柳陌共逶迤
阿戎莫道無才思
細草幽花揔要詩

春晚

疊穎叢叢條翠欲流
午陰濃延聽鳴鳩
兒童賭罷揄錢去
狼藉春風漫不收

曉風池沼水瀾翻
春盡淮南麥秀寒
院落無人日亭午
柳花如雪滿闌干

恠雨盲風卷却春
傍欄蕭瑟只青筠
引雛燕子朝來去
回首多情語更頻

參寥子詩集卷第一

參虞子詩集卷第二

法孫

法穎

編

邵伯道中

一道河流遠接天
兩行官柳復蕭然
村脊歷歷鳴何處
彷彿孤煙落日邊

回首山光古寺基
拂天寒木耿斜暉
孤撐漸與鍾聲遠
但見風幡竹外飛

平山堂觀雨

午枕蒸床夢忽驚
柳邊雷送雨如傾
蜀岡西望蕪城路
銀竹森森十里橫

建隆秋夜

梵唄聲沈香霧銷月明金殿影
蒼堯夜深唯有龕燈在風露滿
庭人寂寥

娟娟雲月照窻扉紙帳形開夢
覺時庭下風篁自成韻吹簫安
用玉人為

晚步

叢薄蕭蕭朝吹翻暝鴉遼亂欲
投村江南雪後山無數林表纔
分翠一痕

次韻閻永仁博士同飲蜀井

潭潭古甃閟高岡脩綆低懸百
尺長庾語樂天推絕特第泉鴻
漸許甘涼金盤漫說溥秋露玉
盃休誇沃蔗漿更有碧梧盤爽
蔭坐鷓鴣亭午失驕陽

次韻永仁見贈

憐君泣血依墳墓，雖設衡門不妄開。
盈几貝多翻百遍，同龕彌勒禮千回。
夜寒幽鳥窺香火，歲暮鄰僧數往來。
何日爲余重掃榻，卧聽松韻落清哀。

次韻何子溫龍圖見贈

春破邗溝古驛旁，揮毫邂逅沈東陽。
自慙擊壤無高韻，但愧投珠有異光。
曠達未應輸靖節，風流可復羨知章。
我非照鏡迷頭客，一接清歡亦似狂。

楊康功待制所藏醉道士石

天官夜燕瓊樓春，一官大醉頽穹旻。
飛光貫地若素練，百里雞犬聲紛紛。
吹風洗雨歲月古，化此頑石良悲辛。
楚山之老頗知

異濯以澗底清漪淪霓裳彷彿認羽客楮冠數寸橫秋雲空齋
書閑戲一擊琅然哀韻還清真我聞天官天所陳雖復暫屈終
當申烈風迅雷一朝作却上蒼蒼朝紫宸

軋明夜坐懷孫萃老學士

余生飄泊猶斷蓬詎肯低回附根柢茲焉得坎謾栖止一日從
風即輕逝淮南十月寒未苦耿耿虛堂屬宵外星辰錯落挂簷
廡爽氣侵尋入衣袂桐葉聲翻玉露圓竹枝影掃金波碎安得
南鄰龐老翁揮麈堂堂坐相對

維陽府學四栢堂

鄒志完待制
時為教官

頰宮本淒涼庭戶無冗長蒼然餘四栢終日清相向夫人擅所
有高懷益超放炎蒸五六月大厦如甕盎涼颺天外來披拂逾

一餉恍如乘虛舟破月渡溟漲嚴冬衆木死蕤蕤獨無恙非求
造化私故與冰雪抗宜亦有神明茲焉陰所相

次韻少游學士送龔深之往金陵見王荆公

春風隨意可嬉娛水有舟航陸有車應笑揚雄未忘我閉門
猶著解嘲書

夢幻皆輸古竺軋功名何用咤燕然羨君一棹江南去碧薺時
魚暮雨邊

虎踞龍盤亦漫雄城荒狐兔往來通可人誰有秦淮月出沒娟
娟波浪中

白下長干春霧披家家桃李粲朝暉懸知一見毗耶老心地如
灰不更飛

次韻黃子理宣德田居四時

四序自逶迤田園常局促春陽旋東臯迫我事鉅鐮出種曝籬
根驅牛飲溪曲暉暉明朝陽聒聒喧布穀頽齡惜筋骸曉睡謾
云足蓐食出柴門荷蓀赴幽谷塞條視柔桑密葉已舒綠今
年氣候早膏雨厭霖霖鄰翁時一來耕耨每相屬

離離小麥黃習習南風度桑棗暗蓬麻耘鋤困朝暮種瓜屋
東隅翠蔓已分布黃花引踈籬冉冉欲橫路白水漫青秧聯翩
下鷗鷺新絲換濁酒肴藪羞薄具掃洒聚比鄰環坐蔭高樹稚
子羨羸餘牽衣傍翁媪牛羊嶺外歸落日林梢去餉婦亦還家
笑言隔煙霧

村落已徂暑蚊蠅尚喧啾衡門霽朝雨芡竹歸新秋機絲迫鄰

女札札無停休中田藹黃稼爛熳如雲浮
涿蟻釀新甕嘉鮪釣清流瓦尊遲來客
禮數忘獻酬三盃未肯辭笑語方綢繆
時平盜自隱場圃無宵憂兒孫漸束髮
婚嫁迫所謀欵曲從我言歸途蹇淹留
林端有月色相送前溪頭

朔吹鳴高林回塘冰已結牛羊卧茅屋
原野暗飛雪壯男臂彫弓短後事田獵
饑鷹一號呼荒徑洒毛血歸來誇意氣
鄰舍呼飲啜明朝過南山更欲窮窟穴
寒爐然豆萁光燄時起滅布被擁嬌兒
從渠踏裏裂老翁寢不寐展轉念鵝鴨
籬落易穿窬狐狸恐鷲發

和龍直夫秘校細雨

細雨連阡陌輕雲濕不飛池寒鷗自卧
巢冷燕催歸慘澹疑沈

樹飄蕭勿近幃簷花霑已夕稍欲墮人衣薄霧兼寒雨凌晨
靄未分細宜池上見清愛竹邊聞斗帳侵蘭夢虛櫺逼蕙薰
晚來欣小霽鈎箔見踈雲傍砌飄纒斷從風強更來斑斑泣蛛
網淝淝汗江梅薄日光時漏曾陰意未開少陵心易感詩句寫清哀

次韻孫傳師龍圖游醴泉寺

楊林幾曲到城根中有招提氣象昏暝雀聚群盤棟吻老藤垂
蔓覆高垣月生歸路無燈火巷轉人家有笑言却掩吾廬還寂
寞冷風搖幔影翩翻

春晴

積雨久不破曾陰蔽城闕曉來得春風掃蕩淨六合綽約墻頭
花依微帶殘月少年誰家子驛駒飛蹀躞揚鞭出郊去逸興

生林樾黃鳥弄柔音青梅已堪折行樂湏及辰芳時易消歇
寒食東城隅青楊夾馳道高樓暖鳳笙絕曲聞縹緲晴日動鞦韆
飛煙拂瑤草南鄰與北里良辰競爲好人生逆旅間何必事
枯槁仰首笑春風茲懷誰與造

東園

斜照明明射竹籬桑陰翳翳交蛾飛蕭條一徑無來轍時見羸
牛引犢歸

曲渚回塘孰與期杖藜終日自忘歸隔林彷彿聞機杼應有人
家在翠微

雲峰缺處支筇立溪溜聲中弄扇行習習南風吹百草幽香知
有蕙蘭生

淮上

蘆梢向曉戰秋風
浦口寒潮尚未通
日出岸沙多細穴
白蝦青蟹走無窮

今夜沙頭月上遲
小螢零碎傍舡飛
可憐光彩雖無限
何似嬋娟一寸輝

娟一寸輝

天闊陰雲低抱樹
沙寒鷗鷺欲親人
小航泊處誰家住
脩竹疎花宛似春

冬夜會孫莘老司諫書齋

去馬來車聲已闌
雪雲低壓暮簷寒
地爐山斝燒初熟
軟語聊爲世外歡

碧瓦爐焚裊裊香
紅柑紫栗更分嘗
從來樂事人間少
不惜歸

途夜漏長

多病山人能放曠
忘緣居士解逍遙
蒲團疊足清相向
誰道雲林勝市朝

曉出土山

遶山脩竹曉參差
葉葉塗霜墜碧枝
日脚漸高風乍起
蕭蕭恰似雨來時

寄蔡彥規主簿

遶舍蒼煙晚更凝
隔簾新月未多明
棲鳥著樹無餘噪
老檜吟風有細聲
客散愈憐真境好
定回猶覺幻身輕
可堪俗子能知味
此語聊傳北郭生

次韻大虛夜坐

少游一字太虛

古寺冬蕭瑟天寒色更冥捲幃延素月轉盼失流星爐底眠枯
枿窻根立凍鉗談餘焚栢子一燧小煙清

廣陵城外野步呈莘老

林梢聒聒鳥聲繁積雪初消澗水渾老樹卧波寒影動野煙浮
草夕陽昏風回笛響山前路犬吠人行竹外村杖屨不知幽興
遠歸來新月在柴門

次韻王通叟寺丞見寄

彫斲肝脾欲報公還如獻豕過遼東珠璣屢獲淵雲妙土木曾
無粲忍風耿耿吟魂嗟異處迢迢桂魄謾相同錦囊應有新詩
在九曲池邊多塞鴻

寄仲恭

曉雨霽郭晴雲迤紛披曦和拆萬物初莖弄葳蕤儵魚泳弱
藻漾漾動碧漪緬彼空際山黛影搖參差感此芳菲節美人曠
佳期音形眇何方莽莽天一涯長河泮春冰花浪激箭馳好憑
三尺鯉寄我相思詩

早秋南樓書事

白帝初回天地爍井梧葉老陰尚稠森森爽氣入屏幔骨冷魂
清無汗流覺來覽眺覓佳處挾冊獨上西南樓崇山廣澤坐可
挹遠水孤村橫道周上窺青天墮海日下瞰白鶴盤庭楸誰令
濃陰起曾嶂撲撲亂眼如雲浮埋林漲壑只俄頃撫袂掩抑將
誰儔明星皎月邈難見絡緯蟋蟀空啾啾安得風生土囊口萬
里一掃無停留王孫未歸空碧草我思不見徒離憂

和莘老經六合西門水亭懷裴學士

折柳相從地重來
失舊柯林光延晚
照岸影動霜波碧
圃檀藥密朱簷
翡翠過主人成異物
搔首柰情何

和莘老初至溫泉呈慶禪師

年華行已老
林莽尚葱蒼
地勝連龍窟
泉溫注鬼湯
人風遠城
市鍾梵近僧坊
九夏來投錫
棲心應更涼

參寥子詩集卷第二

參寥子詩集卷第三

法孫

法穎

編

再賦溫泉

赭落峰前與世分溶溶湯井翳深雲月生滋穴流寒影風入華
清嫩碧紋暗引石池波宛轉暖蒸苔壁氣氤氳解衣盤礴南
窻下骨肉都融到日曛

次韻莘老游龍洞

瞳矐杲日破林堦杖策相將馬暫停路與猿狖爭險磴身隨鷓
鴒入青冥巉崑曲穴疑無底盤屈蒼虬信有靈能使謝公詩興
動宛如游刃發新硎

次韻莘老贈顯之

盤盤秀嶺遶曾簷，方丈門開挹翠嵐。
風激松梢聲間發，月留泉底影相涵。
大機清曉猊臺震，險句窮宵虎穴探。
白傅異時修故事，杖藜應許到雲庵。

虛樂亭

誰構新亭近翠微，似教陶令洽天機。
池光引月來簷廡，竹影踈風到客衣。
愛酒有時携玉罍，無絃聊自拂金徽。
人間樂事還能幾，肯向良辰與物違。

次韻朱伯收主簿觀雪

朝來密雪蔽天涯，坐目丘園發素華。
初著敗梧驚擁腫，久留庭竹見欹斜。
水精不動垂千筍，雲母無聲落萬家。
安得曾穹返，收拾莫教狼藉渾泥沙。

陰風何事吼簷牙
夜半窻前變物華
夢斷只疑蟾影在
褰幃俄駭練光斜
苦侵陋巷凌寒士
強入高樓媚酒家
霽後請看庭下草
蕙蘭含綠出晴沙

次韻姜伯輝朝奉宿九曲池

當時樓闕已桑麻
陳迹何須置齒牙
宛轉頽城圍綠野
欽崑孤塔背明霞
山雲度晚飛瓊葉
海月生秋墮桂花
圓嶠方壺同笑語
終宵疑在水仙家

刊溝絕句

隔屋蕭蕭風度竹
當空粲粲斗翻芒
崢嶸歲月人間暮
目斷雲山歸興長

過新開湖寄李端叔大夫

新開湖邊秋夢曉雞犬無聲人悄悄試揭踈篷覘日華水面殘
星猶繚繞嘗聞明珠藏巨浸光焰一出輝群草篙師為我暫停
櫓回象終期入幽討波間宛轉興方豪依然別恨生懷抱故人
離群東海頭徇祿摧眉事枯槁菰梢蘋末翠猶在蕙蘭憔悴青
楓老浪游不知歲月徙舊約無端失天杪目羨南鴻兩兩飛安
得身同羽翰小游胥堂在吾必行一榻數椽應預掃

都下曉霽

千門昨夜雨萬木曉生光御水浮紅縹官雲麗粉墻轉樓遲日
靜縈草亂絲長想像西池路濃陰覆綠楊

酬邵彥瞻朝奉見寄

揚州從事多文華新詩組織如朝霞高懷忽念朔方客秋風一

紙來天涯都城官蓋屬休沐邂逅過我森如麻開緘傳讀不知
厭愕立圓視相驚誇上言音形闊川路下言杖屨埋風沙蹲鴟
正熟邀我返城南古寺無誼譁我今翩然已東下輕舟早晚從
公家平山堂西百尺井請公為汲真露芽

訪彭門太守蘇子瞻學士

眉山鬱弗眉水清清淑之氣鍾群形精璆美璞不能擅散發字
內為豪英煌煌蘇氏挺三秀豫章杞梓參青真少年著書即
稽古經緯八極何崢嶸未央宮中初射策落筆游刃揮新硯翰
林醉翁發竒歎臺閣四座爭相薦遂巡傳玩騰衆手一日紙價
增都城同時父子擅芳譽芝蘭玉樹羅中庭風流浩蕩播江海
粲若高漢懸明星前年聞公適吳會五漿跪道人爭迎浮雲流

水付幽討下視世網鴻毛輕野人弱齡不事事白首丘壑甘忘
情神仙高標獨未識暫棄蘿月人間行朝吳暮楚失邂逅
夜夢還惛惛還來旅食寄梁苑坐歎白日徒虛盈彭門千里不
憚遠秋風疋馬吾能征鈴齋吏退屬幽歎一看揮麈銀河傾

彭門書事寄少游

我思君處君思我此語由來自謫仙欲借野人傳紙尾待憑新
鴈寄遼天

戲馬臺邊駐馬蹄回廊曲院揔攀躋秦郎前日曾來否試拂凝
塵覓舊題

百尺黃樓拂杳冥樓前風物極崢嶸東州詞客渾爭詠獨恠相
如賦未成

虛白齋

與子瞻共坐有客跪魚於子瞻瞻遺放之遂命賦是詩

嘉魚滿盤初出水尚有青萍點紅尾銀腮戢戢畏烹煎掘強有時俄自起彼客躬勤贈使君願向中厨薦醪醴使君事道不事腹杞菊終年食甘美傳呼慎勿付庖人百步洪邊放清泚回首無欺子產溥謾道悠然詠波底

子瞻席上令歌舞者求詩戲以此贈

底事東山幼窈娘不將幽夢囑襄王禪心已作沾泥絮肯逐春風上下狂

陪子瞻登徐州黃樓

黃花離披秋日短使君無事邀僧飯飯餘軟語麝香幽共坐圓庵不知晚燭籠持火報黃昏使君愛客還留連前登脩徑步超

逸後却從御來聯翩城頭陰陰未上月城下激激鳴潺湲漁燈
照舡沙岸近賈客夜唱聲清圓徘徊始轉黃樓側銀箭銅壺知
幾刻欄竿倚遍惜分携乃泣泣芙蓉珠露滴

逍遙堂書事呈子瞻

尋常卧雲林往往厭闌闌今朝郡齋裏岑寂返可愛曦和破簾
櫳幽鳥語庭際開門面脩圃珍木羅翠蓋蕭疎舊菊叢衰露
有餘態主人事天和萬慮屏身外勞生一斷梗何處考根柢安
能從物役擾擾空卒歲脫巾每相從頗得資傲睨

次韻子瞻飯別

鈴閣追隨半月強葵心菊腦厭甘涼身行異土老多病路憶故
山秋易荒西去想難陪蜀芋南來應得共吳菑白雲出處元無

定只悲從風入帝鄉

次韻少游寄李齊州

畫舫京口見停橈
蕭洒渾疑謝與陶
但把好山供勝踐
不將餘論挂塵勞
諫垣天上經焚草
藩國年來屢夢刀
北客近傳新政美
未嘗因物強吹毛

次韻少游和子理梅花

朔風蕭蕭方振槁
雪壓茆齋欲欲歌
倒門前誰送一枝梅
問訊山僧少
病惱強將筆力為
摹寫麗句已輸何遜早
碧桃丹杏空自妍
嚼蘂嗅香無此好
先生推乃酒傍玉叢醉裏雄辭驚電掃東溪
不見謫仙人
江路還逢少陵老
我雖不飲為詩牽
不惜山衣同藉草
要看陶令插花歸
醉卧清風軼軒昊

自彭門回止淮上因寄子瞻

竭來淮上卧蕭宮
回首人間萬事空
院靜水沈銷薄幔
睡餘寒日耿脩桐
南山訪古思杯渡
北海談經憶孔融
寂寞蒹葭霜雪後
何時重倚玉青葱

與曾逢原寺丞相別

落葉追奔卷地飛
淮流轉處楚山稀
君騎黃鵠朝天去
我憶青松舊壑歸
道在不須驚契闊
情親聊用惜分違
嵩居祿隱都如夢
莫向秋風歎式微

夜泊淮上復寄逢原

黃沙白草滿淮垠
逆旅蕭條思不禁
風約亂雲歸隴首
角催明月出波心
槎頭湧處潮初上
斗柄移時夢未沈
遙想故人投宿

地畫舫應在碧榆林

曉發桃源渡寄端叔

桃源渡頭雞一鳴
舟子夜起趨南行
泯泯河流浮落月
蕭蕭岸木警秋聲
依人翡翠霜翎重
拂棹芙蓉露點輕
為報舊游朝士說
天街何似此中清

贈鄒鑿

君不見宋清市藥長安西
衆工就取資刀圭
瘡瘍疾病一皆往
所應不必黃金賚
度未能酬輒焚券
耻學庸生憂噬臍
人人德清莫肯負日獲
遠利豐子妻公侯
魄遺日相屬蝘食華衣
乘馱騏羅池神人爲作傳
至今名譽橫雲霓
鄒君業鑿世淮海
瀉盛補襄知徑蹊
玉函金匱恣探討
拏以自副能不迷
頃年西游抵

京室達官貴吏爭品題歸來鄉縣頗蕭瑟湖水粘雲芳草萋
余寢瘵古佛刹每辱珍劑相扶携傾囊倒橐願為贈唯有圓
蒲并杖藜君聞掉頭不我顧止索詩句光衡圭夜披陳編見清
事重嗟此道今如泥君誠有意嗣前躅篋笥不憂無錦綈

寄蘇子由著作

先生道德若為容曾向南都幕下逢拔俗高標驚萬丈凌雲逸
氣藹千重低梧暫宿張家鳳濁水難藏許氏龍歲晚雪霜雖更
苦未應憔悴碧崑松

贈子固舍人

文章煒燁動當時雋乂雖多不並馳解激頽波旋往古獨憐夫
子抱青規山川淑氣真能感宇宙雄名豈浪垂未信長途老天

馬行看蹴踏上瑤池

吏部遺編久寂寥
穎濱居士亦蓬蒿
支流盡屈江湖闊
衆阜爭隆泰華高
落落千章揮琬琰
湯湯萬頃起波濤
玉堂鸚鵡遲公久
何事崎嶇尚夢刀

宿軋明

五更風雨鬧秋堂
夢斷篝燈尚有光
明日又爲湖上客
舡頭雲水正茫茫

寄莘老

十年手把使君麾
一日歸來踐赤墀
偶爾夢中成故事
凜然霜後見竒姿
枯荻在昔嘗叨廕
微蚋于今賴附馳
况有雲庵閱深谷
他時香火與君期

寄李公擇侍郎

高城夜寂起清風，月下清霜墮曉空。
澤國已驚黃橘柚，省垣應對老梧桐。
青錢舊數文才妙，碧落新游問望隆。
四海倚公調鼎鼎，佇瞻和氣洽冲融。

俞公達待制挽辭

金鐸哀傳靜列營，將星飛墜漢蒼鶻。
森森氣與秦山在，奄奄魂隨隴水傾。
塞路簫笳悲部曲，海天風雨濕銘旌。
堪嗟未勒燕然石，遽失連雲萬里城。

東吳佳氣久氤氳，果見雄才出海濱。
屢試干將羗破膽，忽摧梁木士霑巾。
人間夢斷黃梁熟，天上樓成白玉新。
零落山丘今古事，情鍾我輩謾傷神。

卷終

參寥子詩集卷第四

春行

朝入春山千萬重，暮歸溪上漫匆匆。
白沙岸口長回首，無數漁燈翠靄中。

次韻傅師見過

孫郎蕭洒逼人衣，咫尺塵埃隔蕙帷。
陋巷有時過佛剎，談經還共惜秋暉。
百年空果真中謝，一寸靈珠象外歸。
久矣此情人不諭，援毫聊復爲君揮。

淮上聞鴈寄仲恭

歌枕舡舷夜櫓停，數行南去鴈如繩。
起來欲寄相思字，高拂銀河喚不應。



與怡然夜話

雲埋碧瓦寒侵戶榻照青燈夜色空故國十年無限事笑談如在夢魂中

鶴林寺

宛轉回廊漫布金蕭條寒日墮墻陰門前合抱松千尺黃鶴不來年已深

寄舒堯文教授

經綸滿腹貯雲霓卓犖丘門道可躋絳帳開時霞影亂青衿立處鴈行齊憶親麈尾焚香夜共惜筠梢落月低別後鳳毛知更長五車應已識詮題

次韻順上人寄叔康講師

少年好詩書齷齪空閉戶有若丹青徒秉筆學畫虎法師
當是時聲價久已負籍籍東州人高談慕支許余時跡四方
浪涉川陸苦昨夜北山翁挑燈同軟語因論鄉里賢悵師成
獨阻南徐號名都興發歷漢楚崢嶸江上山王氣埋千古至
今風前笛夜夜怨江浦感慨易成吟安得君來伍

次韻順上人登壽寧閣

昔過廣陵日茲樓亦盤桓飛甍切星斗鴻鵠爭危欄恍若隨
扶搖九萬直上搏下視古帝基蕭條空澌漫當時競豪華人
物鏤綺紈孰謂千載後故宮半耕殘城西舊輦道繚繞猶屈
盤咫尺見螢苑枯桑生晝寒閭閻豈復隘狐兔穴已寬楚楚
但喬木萋萋無寸山苟非壯士懷往往不忍看青旗催畫角

回首送飛翰

得端叔淮上書

云長淮秋色清曠順風揚舡恨不得與君俱之

飛鴻從西來有客遺我書
開緘識遠意字字情有餘
報言歷長淮泛泛乘舳艫
天開滅遠霧水碧涵空虛
超然忘端倪身世疑有無
徜徉極幽致恨我失之俱
我昔與曾子茲游頗躊躇
颺風高當白帝露冷凋紅
蕖扁舟僅半月歷覽窮朝晡
伊人亦才華俊逸千里駒
結交慕豪彥侷非迂儒當
時欲相從恨子隔海隅
今朝子獨往我輩還星躔
邂逅亦有分彘緣非強
圖茫然臨西風俛首良自
吁庶幾有至理去彼形跡
拘相望雲間皎潔同蟾蜍

送慧悟大師還闕下

道人本立壑，浪爲京華居。一往二十年，歲月驚須臾。禪餘挾妙術，出入卿大夫。飛揚動天子，聲聞傾九衢。紛彼戶外屨，泛如水。中是髙懷勸，酬應逸賞思。江湖春風卷，衣袂千里隨。舳艫中冷湧，樓觀圓嶠連。方壺杖策步，鼇頭直上窮。崎嶇超然萬象外，所得良有餘。興盡乘白雲，飄飄還帝都。

將之金陵寄侍琪服之秀才

黃昏落帆牛渚磯，蒼石岸黑行人稀。漁燈夜深遠，近沒水鳥月。明來去飛瓶，孟漸與南斗闊。身世東去將焉爲，鍾山咫尺行可及。會當與子同遨嬉。

鍾山夜月

萬壑千崑夜未央，月華松色共蒼蒼。蒼上方已覺無人語，金殿誰

焚栢子香

睡起

紅芳落盡踏青青啞咤黃鸝隔樹鳴
午睡覺來聽不足杖藜重
過竹陰行

曾子固舍人挽辭

命世高標見實難狂瀾既倒賴公還
學窮游夏淵源際文列班
揚伯仲間落落聲塵隨逝水滔滔論著在名山
淒涼四海門人
淚想對秋風為一潸

雄詞大冊破幽昏返覆難窺斧鑿痕
投老雍容歸法從銜哀倉卒去都門
雲泉已負高秋約江渚空悲靜夜魂
誰與朝廷終太史君王應待鵲鳩原

子瞻赴守湖州

少游與余同載因游惠山覽唐處士王武陵竇群朱宿詩追用其韻各賦三首

山煙弄滅沒山木含蒼刺舟傍遙岸理策升虛堂周遭瞻曾巘矯矯如翱翔下瞰平田沅澹然浮日光青縹解初籜洗雨聞清香雖云迫前途真賞豈易

松門暗朝雨寂歷無行人

隆曦忽穿漏卉木蔚以新堦泉漱石齒照眼光磷磷史君羨無度卓犖遺囂塵風標傲竹栢談笑凌穹旻何愧沈冥子卧霞吞結鄰揚帆渡江來洗眼驚翠樾雲姿既容裔鳥喙更清絕凌梯訪前蹤琬琰亦未滅嗟我魚目光疇能綴明月狂墨掃琅玕風煙坐中發殊勝區中人茫茫走飛轍

吳江垂虹亭同賦得岸字

蜿蜒誇長虹吳會稱傑觀淪漣幾萬頃放目失垠岸倒影射遙

山青螺點空半從來夸震澤勝事無昏旦破浪湧長鬢排空度
飛翰肺肝入清境劃若春冰泮安得凌九垓從公游汗漫

同吳興尉錢濟明南溪泛舟

枇杷弄實梅欲黃海氣真真錯昏書僧坊亭午隘可鄙畫舸從
君逐溪溜斗欣紛翳眼前失但覺波光翻縠縐蘋花洗雨白雪
香荷柄吹風青玉瘦回看行人走南北蠢蠢岸傍如蟻鬪一竿
落日麗稚明繞郭雲山相倚拱蘄蘄青壁映彤霞轉盼忽鷺開
錦繡好將傑句爲余寫天乞君才多穎茂錦囊玉刻厭傳玩燕
尾蚕頭吾未究輕橈欲動蹇淹留城上哀笳淒已奏

吳興道中寄子瞻

瞻言與少游同賦

弱性嗜幽散出門隨所便蓮房紛可襲林幄正高寒群木含晨

景孤撐破宿煙透
迤邐秀萼宛轉瀟清
連岸匝藤花暗崖
垂挂影圓引鷓鴣
鳴鵲解籜露嬋娟
恍若經愚谷渾疑
渡輞川葑田青
泛泛石葛蔓綿綿
緬想醉山簡相從
狂謫仙援毫更妙
韻愧乏碧雲妍

田居四時

原隰春風暖池塘
鴈北翔曉耕雲塢
潤午飯野芹香
燕子依苑棟花枝
過土墻東阡與南
陌生事日皇皇
五月梅爭熟村

村桑柘稀茜裙
蚕婦瘦粉翅乳鵝
肥菱蔓滋溪雨
藤花鎖釣磯呼兒
行採去亭午候荆
扉刈穫終吾事
田園日向閑晚香

增橘柚潦水耗汀
灣聚噪棲鴉定孤
吹牧豎還兒童
蘸野燒一片起前
山汨汨防農霧窮
冬亦謾勞茹簷
催日午籬落聽雞

號臘近還移竹宵閑更索綯春風歸早晚行見事東臯

夏日龍井書事

呈辯才法師兼寄吳興蘇太守
并秦少游少游時在越

翠櫪高蘿結晝陰驕陽無地迫吾身石崖細聽紅泉落林菓初
嘗碧柰新揮塵已欣從惠遠談經終恨少遺民何時暫著登山
屐來岸烏紗漉酒巾

雨過千崑爽氣新孤懷入夜與誰鄰風蟬故故頻移樹山月時
時自近人禮樂汝其攻我短形骸吾已付天真露華漸冷飛蚊
息窻裏吟燈亦可親

自憐多病畏炎曦長夏投蹤此最宜青石白沙含淺瀨碧梧蒼
竹聒涼颼雲中雞犬聽難辨谷口漁樵問不知斑杖芒屨隨步遠
歸來幽火認茆茨

揭來人外慰，樓遲谷遠山。
長萬事遺好鳥，未嘗吟俗韻。
白雲還解弄，竒姿藤花冉冉青。
當戶竹色娟娟碧，過籬不羨故人探。
禹穴短橈孤榜逐，漣漪。

寄俞伯謨宣義昆仲

謝家蘭玉競芬芳，千里南來未易忘。
猶憶娑羅雙樹院，月明相對坐胡床。

多病侵尋鬢已霜，昔年交友半殊方。
吳臺松柏今何似，想見龍蛇數尺長。

夏夜

斗帳昏昏夜氣蒸，移床趁月卧中庭。
紫薇花露沾衣冷，翻覺華胥夢易醒。

送楚上人還廣陵慶禪師法席

吾鄉少年多齷齪投老家山猶戀著何異醯雞舞甕天肯信十
方無壁落羨君壯懷慕遠舉萬里雲山行犖确荆江洞庭虛浩
渺斂衽浮杯心自若去年臘月過湓城聆我幽蹤卧雲壑竭來
相從慰契闊笑語逸發攜猿鶴春風又復卷征衣問子東去將
何為廣陵城西古佛刹中有老禪吾所師當年與君共伏役妙
道彷彿窺藩籬別來星霜歎已久夜夢往往神魂馳真金雖已
出頑鑛鍛鍊豈厭增鉗鎚縱橫法縛斷除盡了了方為獅子兒

晚興

墻角風欺竹影斜數聲啼盡欲棲鴉重門已閉斷還往獨卷疎
簾進月華

下湖晚歸

屈曲莎隄引興長
肯辭芒屨踏秋霜
歸來已奏孤城角
撩亂梅花落女墻

秋日西湖

兩山斜抱翠逶迤
一水中間似漾陂
孤榜獨來還獨往
鸕鷀鷁鷁莫相疑

琤然一葉墮空庭
似喚幽人夢欲醒
斜倚素屏寒翠幔
沈香煙吐罇山青

南山爽氣對朝扉
竹露吹風更濕衣
可是吟魂怯清景
何妨著屐步苔磯

飛來雙鷺落寒汀
秋水無痕玉鏡清
踈蓼黃蘆宜掩映
沙邊危

立太分明

欲跨高樓曠遠情無端秋兩苦冥冥崢嶸日脚漏雲處瞥見遙
山一抹青

西風夜半捲庭槐卧聽鄰翁曉圃開稚子相呼入林去應知病
菓落莓苔

晨起

窻扉曉闕對平湖爽氣侵尋冷入膚林迥霜黃垂橘柚渚清沙
碧老菰蒲忘機鷗鷺元相狎得食猿猴不用呼游目騁懷心正
逸更憑高處立須臾

參寥子詩集卷第四

參寥子詩集卷第五

戲招李無悔秀才

淋漓一雨過秋山洗出西湖小
霽天烟烟魚鱗含倒影飄飄羊
角卷荒阡野塘白芡珠盈斗
幽浦紅蕖錦繞舡冷炙殘盃當已
厭好來波際弄嬋娟

西湖雪霽寄彥瞻

西湖漫天三日雪上下一色迷
空虛曾戀沓嶂杳難辨彷彿樓
觀疑有無飢雛乳獸失所食飛
走阡陌空號呼中園却羨啄木
鳥利觜自解謀朝晡曉來鍾鼓
報新霽天半稍稍分浮圖試憑
高樓肆遠目千里顛倒羅瓊琚
逡巡夜月出海角光彩猛射來
城隅方壺圓嶠只在眼綽約恍
晤神仙居咄哉浩景似欺壓謂

我不足為傳摸風流江左杜從事氣格豪贍凌相如安得飄飄
跨鸞鵠手持栗尾來為書

次韻彥瞻舟次三墩見寄

雪消幽港漲漪漣草際晴絲罥細煙避槳輕鷗翻點點亞墻脩
竹靜娟娟風流遠繼東山後詩句高凌北斗邊何日去尋陽羨
路相携青嶂弄雲泉

次韻彥瞻樊良道中

幾日官河凍不流朝來微暖始通舟江梅破蘂香猶淺汀草埋
沙綠未浮脩網橫川魚乍集晴雲開野雪初收探珠旣已從驪
頰何用區區入海搜

寄張明甫朝奉

昔公令吾鄉綠髮氣方壯鳴絃坐高堂百里肅清曠良辰騁遨
嬉繭足履青嶂當時陪杖屨笑語相頡頏論文希鄴都樂事敦
可尚銅章既云解余亦航海悠悠亘六載天角空相望竭來
石頭城邂逅慰離愴推乃手雨花臺俛仰得超放瓶盃徒京口舟
舟抱微恙扁舟亂江來起我神益王浮雲共平生飄忽無定向
去年客梁園塵土紛冗長狙猿失林木憔悴無優况獨有青桂
枝冰雪不凋喪惠然肯過從香積仍接餉秋風迫南還危帆高
且張落日通津門轉盼增惋悵寢寐見高標幽魂驚夜帳相忘
同海魚千里各雲浪

探梅

問訊風篁嶺下梅踈枝嶺蘂未全開繁英待得渾如雪霜曉無

人我獨來

歲寒亭

草枯蓬斷正紛紛翠幹排簷不改陰自是孤根難挫抑驕霜傲
雪本無心

與元規話別

湖水蒼茫四接天短篷孤榜數回旋想君東海東頭夢猶在汀
洲白鳥邊

雷岫庵南千種梅含芳準擬為君開冷香秀色誰為主趁取花
時更一來

春日

蘭英蕙萼競芳新左右吹香暗襲人江海夕無騷客賦一枝唯

可薦靈均

清溪白石曉磷磷
洗露桃花兩岸新
欲覓劉郎家住處
但聞雞犬不逢人

春詞

輕雲著地柳垂絲
百尺高臺獨步時
遙愛南隣紅杏樹
曉來新有過牆枝

濛濛小雨暗池塘
遠樹依微不辨行
可是晚來風更惡
杏花香亂撲回廊

冰開池面初浮綠
日促花梢始破紅
謾道春光來眼底
茫然無意對芳叢

駐景樓

額額高樓古道旁樓前風物鬱挺挺溪聲不斷來幽耳山色無
時在小窻金鼎養丹嘗駐景玉罇傾酒屢空缸宋清賣藥長安
市千載佳名與子雙

程公闢給事罷會稽道過錢塘因以詩見之

嘗聞鍾鼓過蓬萊席上無非八斗才刻燭揮毫公屢勝投壺飲
酌客先頽老元格調真難繼短李風流不易陪鑑水稽山行樂
處後車長是載鄒枚

江千千騎送朱輪父老無緣借寇恂吳國旌旗開白日越溪桃
李失青春雄名素與珠星爛妙質長隨玉樹新當宁比聞思舊
德萬方行見入洪鈞

寄濟明

茫乎一氣同渾淪瀰漫六合無邊垠吁哉破散幾千載被在萬
物含其真清輕爲天濁爲地一一厚薄理自勻駑駘騏驥不並
廐夜光魚目難相親錢郎少年稟清裔英姿綽欲揮等倫忠言
讜論躡根本行義修篤無緇磷是家嚴君抱勁烈直筆曾預螭
頭且我昔浮游嘗溪側傾蓋遇子情彌欣炎雲燒空五六月漾
舟南郭吟青蘋溪流寬圍野槁碧溪樹靜嘯涼颯新竒探險取
得佳句歆壓柳暉江南春瓶孟厲我暫行役樂事一跌成參辰
使君旋亦報西去紛紛萬變難重陳南山暮冬厚積雪剛茂不
死期松筠

江行寄俞仲寬察院

潮回沙浦寒月落山未曉駕言江上行行遠心亦悄茆屋兩三

家鷄聲聞縹緲輕風颭垂楊芳枝何裊裊上有雙鳴禽下有蕙
蘭草蒸蒸物已繁灼灼花更好時見頰尾鱗跳波泳紋藻即事
起幽情情含結懷抱故交如參辰咫尺曠煙島紅日已三竿回
轅白沙道但聞蕭葦間挈音飛杳杳

春日雜興

池南池北日融融水荇風蒲各占叢幸有花枝能照眼可無詩
句補春工

城根野水淥透沱颭颭風舡掠岸過日暮蕙蘭無處採渚花汀
草占春多

柳外披煙舒遠目花邊植杖坐芳茵能言百舌深藏葉解舞鷗
雞不避人

兩闕中庭暖日浮春禽百種聚喧啾粉腰蜂子尤無賴撓漏花
鬚未肯休

去歲春風上苑行爛窺紅紫厭平生而今眼底無姚魏浪蘂浮
花懶問名

碧流如鏡轉春渠時送殘紅出雨餘可怕莓苔黏屐齒強扶筇
竹過鄰居

兩洗樓頭碧瓦昏五更殘月墮金盆轆轤索轉玉繩曉花底宿
禽無數喧

梅梢青子大於錢慚愧春光又一年亭午無人初破睡杜鵑聲
在柳花邊

戢戢籬根紫筍長滿城桃李罷芬芳東風雖是無情物送謝迎

繁亦更忙

樹萱移菊助春榮
沐雨踈風擢翠莖
童子新能理荒穢
不教蕭艾並叢生

雪堂雨中

梢林急雨暮淒淒
簾幕風燈暗欲迷
向曉請看南陌上
一番紅素掩春泥

春日赤壁

艷艷春江水拍隄
雙雙出沒羨鳧鷖
白沙青石無泥滓
且逐東風進杖藜

蕭瑟江梅樹樹空
蘭芽猶短未成叢
行窮赤壁山西路
只有桃花一樣紅

留別雪堂呈子瞻

策杖南來寄雪堂
眼看花絮老風光
主人今是天涯客
明日孤帆下渺茫

寄題徐德之先生閑軒

建安自古多俊髦
徐子磊落尤其豪
論兵說劍走湖海
身勤事左無所遭
綠林五校已屠膾
黑衣三衛羞徒勞
歸來故山便卜築
脫棄萬事輕鴻毛
橫前澗水漱哀玉
傍舍老櫛藏飛猱
山蔬何用羨梁肉
鶴斲未必輸青袍
追雲弄月有真趣
慎勿輕語傳兒曹

九江與東坡居士話別

雪水黃樓赤壁間
勝游長得共躋攀
屠龍井空三載窺
豹悠
悠愧一斑投錫雲林聊避暑
絕江舟楫自東還
求田問舍知何

處杖屨它時訪小山

贈潘邠老秀才

去年雲夢澤南州為訪太史嘗淹留東坡寒碧最佳處恨不得
子同遨遊今年廬山深且宿感君忽來慰枯槁溪月崑雲亦有
情昨夜為君顏色好飄飄綠髮方妙年圖史滿腹皆精研揮毫
應敵風雨快咳唾落紙珠璣圓廣文英豪僅數千逸群驥子誰
與肩男兒窮通故有命勸子未宜嗟蹭蹬丈夫蓋棺事始定他
日雄飛鷓鴣勁草草論文未有涯匆匆別我却還家秋風更約
通玄府共訪仙人卧彩霞

邠老嘗約余重
會於太平觀

酬周元翁推官見贈

南來濟濟多俊良聲問逸發推周郎詞場較藝一戰捷筆陣獨

掃千人強炯然眉目行且貴驥足萬里看騰驤吟詩作賦不媚
俗期與往者同芬芳斷璋殘璧忽我贈把玩溢目驚輝光自嗟
行李久蕭瑟安得置之雲錦囊又聞跨馬欲過我此意想君非
渺茫山中草木最宜夏雨餘一一含幽香雛鶯乳燕學飛舞葉
底啞咤調圓吭闌干筍蕨雖已老確錯梅杏猶可嘗陰崖碧洞
不受暑谷風習習吹衣涼提携爲子掃盤石談笑共坐莓苔蒼
宣毫越楮須盛載吟取佳句還巾箱

南康與曾子宣內翰

相別抵暮大風聞泊舟
神林浦因以詩寄之

旗亭方喜會高標杞國天崩促去撓星渚風花朝冉冉神林雨
脚暮蕭蕭飛流濺沫江翻怒拆岸頽沙蚤倚驕遙想英雄濟川
手壯懷寧復畏傾搖

曾子開吏部服闋赴召

道過廬山與余宿會東林觀子固舍人題名一首

驛騎駸駸破夕煙西來遇我虎溪前
征途乍即應勞止陳迹重
窺更泫然天上歸瞻新日月
山中行覩舊林泉感時撫事情何
極且伴幽人此夜禪

過公擇藏書室

我公昔未仕託蹤此山阿
牙籤列圖史萬卷堆嵯峨
披剝得精要卷衣辭薜蘿
一往三十年功名歎蹉跎
公今陟臺省壯志應未磨
出處獨不謬紛紛當奈何
脫身早來歸挂冠舊庭柯
松窻展故秩烟烟臨曦娥
豈復求甚解聊將寄天和
勿憂野馬集勿念垂網羅
山祇善守護早晚潛揮詞

雙溪曉步懷少游子實

又高是春謝公詩於湖不取

亭午炎威劇風溪破曉行紆餘憐野竹錯落見長庚翻藻魚呈
媚梢林露獻清二豪俱二闕此樂與誰并

參寥子詩集卷第五

參寥子詩集卷第六

寄王元均奉議昆仲

崇文學士後二子皆翹翹異哉荆山麓產此英瓊瑤婆娑翰墨
場文彩相蔚饒頃我未知識寸心徒摇摇前年廣陵城會合如
有招名都冠淮海氣象古所豪林園若棊置佳趣遺塵囂良辰
肯浪負杖策同嬉遨清談落玉麈亶亶如聞韶歲晏樂未闕離
群復蕭蕭扁舟眇一葉出沒隨江潮雲山列千里廬藿尤岩峩
孤懷喜自放跨躒豈憚勞所嗟無二陸相我吟風騷

廬山雜興

溪石斑斑舞碎光巖花冉冉馥幽香當時吳猛逢山麴金闕橫
開在上方

隔崖垂蔓蔚蒼蒼隱見莓苔舊石床定有飛仙集其下月明時
復度笙篳

高松夾道夕陽明抱葉風蟬引細聲勸爾行人聊駐足出山無
物更能清

星渚江邊月已生石橋歸路夜崢嶸西風散入松千樹翻覆銀
河秋浪聲

宿回峰院寄黃擇中察院

秋堂立四壁物色夜蕭然藜床抱孤影起坐未成眠曾飈激高
梧乃動接虛聲感至情先謝理冥神預領銅壺漏未央扶杖起仿
徨方塘溢繁荇冷月下踈篁躑躅步空除風帶裊霜裾泯余契
幽獨悵子隔川途短短袖中書明發欲誰寄梁上木鯉魚儻能

將此意古亦有相思吾今何所遺浩歌望雲水期子與同歸

寄史院王正仲曾子開二學士

太史久不作千秋想前人朝廷理故事董職湏絕倫青錢兩學士班馬相並隣婆娑金閨中婉孌得所親學海揚波瀾詞林藹芳春青編炳金牘允顯無曲陳翹翹茂令德諤諤規縉紳玉堂行見躋清切凌紫宸野人蹈江海放浪無邊垠相思邈何許共此青桂輪

寄東坡昆仲

江南十月天未霜木梢冉冉猶青蒼煙沙篁竹媚兩岸亭午氣候如春陽吳墻楚榭自紛擾花鴨鷓鴣殊未忙深灣野浦望不劇葦間隱隱聞漁榔黃昏無雲桂魄滿一川秀色傾銀潢何人

隔岸弄長笛吹風渡水聲悲涼蘭臺故人天一方美景樂事誰
相將舡窗欹枕夜未央杳杳孤雲空飛揚

梅花寄章仲粹法曹

蕙死蘭枯驚歲晏玉蕤初發照溪寒從來吳苑墻頭見不似匡
廬谷底看月浸繁枝香冉冉露浮紅萼曉團團參軍詩格追何
遜應笑山人自考槃

梅花

雲英粲粲笑相重結子能參鼎鼐功
茜杏妖桃綠格俗含芳不得與君同

造化推排力自強非關著意占年芳
繁霜亂雪虛埋沒傾國人知有此香

枝頭灼灼爛生光
弄日驕寒倚短牆
欲賦却慙無妙手
使人操筆憶何郎

寄福州太守孫莘老龍圖

公生自淮海弱不游群
兒良哉白玉質
炯炯無磷淄
澡身以道德
餘棄爲文詞
端能處庠序
邈有孔孟姿
一朝擅高名
卓然動京師
餘輝耀天末
燁燁如斗箕
校酬芸閣中
精義無參差
同時鷓鷯行
半已翔鳳池
兩登諫官室
抗疏犯天威
揚舲去江海
曠歲成流離
朱輪擁蒼雲
五馬從合肥
編氓仰遺愛
墮淚存豐碑
歸來遘風樹
憔悴不展眉
藉苦一室中
四壁無重帷
南鄰有古刹
而我方棲遲
杖藜時過公
泣血聞嗟咨
從容勸我坐
一飯常共爲
蒸蒸沸古鼎
藪藪投園葵
客來慵應門
客去知爲誰
禮喪

事云既始領吳門麾瓶盂走梁苑恨不相追隨秋風亟東下旌
旆俄已睽浮川與遵陸多病亦云疲七閩富名山空翠相逶迤
在昔慕仁智於今慰邀嬉棠陰想初坐吏案紛交馳庖刀一為
解往往無孑遺麥秋薦丹實梅雨栽纖絺黃金燕佳客柔指鳴
哀絲萬事不芥蒂羨公能自怡

聞子由舟及南昌以寄之

高安居士實人龍五載南遷道愈豐域外城池剛自守人間膏
火詎能攻屢嗟江海星霜隔行喜雲林笑語同五老峰前佳氣
象待君一醉吐長虹

和子由彭蠡湖遇風雪

夫子經濟材妙質靜而默當年大廷中如堵觀射策雄哉賢父

兄一日並輝赫勲業望瓊龍寧論二千石扶搖吝不借因此垂
天翼五載貶筠陽區區校尋尺鹽車厄驥足道路行歎惜脫身
當歲晏行李唯典籍高懷久達觀不見憔悴色悠悠東下舡晚
次彭蠡側江風忽崩騰江水翻且黑飄風斷黃蘆落鴈委砂磧
鵝毛飛雪片滿野來無極龍驤飛萬斛欲進不可得淹留向汀
灣蕭瑟日將夕黃昏勢漸壯夜半已堆積魚龍亦悲嘯凜氣增
几席青燈冷不眠坐漱元和液危檣翻曉鴉齊日動窓隙牽幃
望廬山萬仞絕寸碧茫茫銀世界蕩蕩月閩域順流復前趨百
里俄頃刻暫停篙櫓喧却著登山屐五老笑相迎千崑委圭璧
紛紛林下士洗眼莫一識松門共邀迓香霧浮幕幕相將擁
寒爐軟語同夙昔堂堂赤眼師既往有遺跡惇然窳堵波縹緲

根石壁清晨陪拄杖緩步躡山肋裴回憩蒼嶺左右抗松櫪猿
猱侮僮僕上下或戲劇巴僧眉半雪解后語鄉國却返朱砂峰
招提更岑寂中藏李氏書盛事誇絕特東坡老居士邇亦有題
墨一覽慰君心都忘遠行役

寄俞秀老清老二居士

風溪雲巘雪消初鳥變春聲滿屋除安得故人同蠟屐石梁斜
日看游魚

落星江水接天流花絮飛時暮雨收波底鯉魚東去否尺書煩
汝到楊州

慚愧君家好弟兄風流宜與晉人并青鞋布襪能從我共入廬
山深處行

廬山道中懷子瞻

谷口晴雲散曉光，鳥聲呼我渡橫塘。
輕明獨愛桃花靜，撩亂偏嫌柳絮狂。
處處叢祠起，簫鼓家家籬。落動耕桑去，
今年今日東坡路。拄杖相將探海棠。

酬周亨叔主簿見贈

廬山百里蟠穹蒼，絕頂陰雲常下覆。
晴日天風忽掃除，翠壁千層開錦繡。
我來廬山初得君，愛君面有廬山秀。
長篇嶮韻使我驚，忽獲風流雲散後。
氣味清新滿牙頰，如入洞庭嘗橘柚。
梅子如錢柳絮飛，杜鵑哀號山雨晝。
念君明當京邑行，馬蹄蹴踏春泥縟。
黃陂新息道路迥，野飯藜羹須強喫。
天街到日夏漸熱，車轂相摩汗如溜。
丈夫功名非苟取，勸子未用輕藍綬。
山中五月

早歸來澗底清冷當共漱

訪荆國王公

浩蕩經綸志已行北山歸老思冥冥可妨渡水穿雲客拄杖芒
屨到戶庭

博辯舊聞輕孟子談經早不愧揚雄惠能伎倆元無有還許從
容廣座中

苦嫌榮祿早收身歸與漁樵共隱淪白下門西山迤邐興來長
是岸烏巾

謁上竺觀音大士

十年江海去飄然魂夢長依就鷲嶺邊月地雲堦重到處躬勤稽
首白衣僊

次韻元翁見寄

十載離群歎渺茫
良辰無地可相羊
何時却入蓮花社
軟語重焚栢子香
藹藹春風搖几席
紛紛啼鳥滿林塘
欲憑海燕傳消息
徑入君家舊屋梁

病中四絕句呈劉景文左藏

一室寥寥北嶺隈
午窻孤枕夢初回
無端自是風鷲竹
錯認旁人問疾來

西風薄木晚颼颼
古屋無人夜更幽
童子未閑煎藥火
隔窻燈影漫悠悠

高梧挂月照床頭
聒砌寒蟬似怨秋
我病尚能安靜默
爾曹無事苦啁啾

竹裏鳴鴉曉欲飛
遽褰踈箔望朝暉
莫嫌山色經秋瘦
我亦秋來減帶圍

余初入智果院

蘇翰林率賓客相送者十六人各賦詩一章

泰山屹天下四海同仰止
我公命世英突兀等於是
曾中廊秋漢皎絕微雲滓
當年事危言軒冕如脫屣
正貴知我希寧慙不
吾以風雲果再符六翻挑空起
一昨厭承明抗章求迤邐
餘杭古雄藩比屋富生齒
立談政即成興不負山水雍容敦末契
訪我頑且鄙大旆輝松門禽猿亦驚喜
森森門下士左右粲珠履
使君道德姿圭角非所恃
軟語如春風薰然著桃李
今朝真勝事千載足遺美
安得筆如椽磨崖為公紀

龍井辯才老師新亭

初成有詩呈府帥翰林公俾余繼和輒次元韻

遠公吾家傑道妙非壺丘德傾龍象侶白蓋江湖秋平生經論
學不爲名相留泊泊若懸瀑下注萬丈湫昔年謝講事衆挽不
轉頭剗心老崑穴百念本不浮東南多望士唯見此老優翰林
天下公方外寔輦流旌旗虎溪路竟日泉石游衆生病未已師
意可忘憂

次韻蘇仲豫承務寄伯達推官

蘇子真豪英氣貌嚴且重幼無兒女姿嗜好百不動唯餘讀書
事乃與古人共文章造深淳詞力寬不縱樂哉賢父兄道義日
相從昨朝西湖外目極孤鴻送高帆去百里山水乏吟弄作詩
投置郵但述鴿原夢

辯才生日

像末真風恐不傳故生豪傑為人天慈航橫截三千界法雨均
沾四十年獨鶴精神秋始健長松根節老弥堅莫將有物觀無
象唾霧冰輪處處圓

寄題解頤堂

道人還家今幾時築室構堂名解頤尺書三遣要我賦我獨老
矣何能為塵埃筆研試料理肝肺枯槁源不滋為君苦思強抽
軋詞慳氣迫無逶迤東陽自古號多士文采風流世有之堂成
往往獻佳句羅列四壁皆瑰竒譬如釣天已九奏安用擊筑鳴
參差又如玉食厭方丈葵藿欲進旁必嗤他年但約訪君去借
君几席聊偃歌堂中插架足書史牙籤玉軸當細窺

送仲豫叔黨二承務赴試春闈

烟烟雙黃鵠雍容振羽儀風高辭澤國歲暮及天池文彩非凡
近周旋競陸離明年翔集處九萬是君期

同蘇文饒主簿西湖夜泛

鳳唼山頭暮靄空月娥飛出廣寒宮初登桂檝橫湖去似覺銀
河有路通掠草飛螢星點點眠沙宿鷺玉叢叢從來江摠文才
妙請付毫端刻畫中

酬錢塘宰王昭叔朝奉

令尹胷中萬斛寬簿書堆案豈相閑揮毫手過庖刀疾訪勝心
同止水閑竹日映簷光破碎雪雲開嶺翠連環自嗟不及匡山
遠坐對淵明祇愧顏

景文寵示

四月十七日翰林公過龍山真覺院賞批
把五言一章景文已和之復使余繼其後

脫略今山簡能吟舊子春偶因尋勝出不爲採芳人紅紫千葩
盡甘酸萬顆新江雲浮翠壁靄靄散魚鱗

夏夜奉懷景文路分

曾櫛齋晚雨餘響猶滴瀝天風吹浮雲入夜已無迹月波泛脩
竹灩灩流几席蘭膏滅衆炬涼氣滿四壁蕙煙擢銅爐暗觸鼻
端息藜床但危坐萬想本空寂肺肝旣冷然絃扇亦暫釋將軍
不吾期樂事空自得願言賦長謠爲我記此夕

次韻景文會朱充仁大夫魏敏中朝奉於望湖樓長句

高樓冠浮雲下瞰百頃湖清漪照兩岸秀色含菰蒲騷人富筆
力領略蘄須更短長隨萬象肯議鶴與鳧二客各英妙温温古
爲徒從公文字飲所樂非歌呼酒酣挹諸山高下如迎趨籃輿

復迤邐遠訪飛來孤炎蒸近亭午天地如大爐石泉飲吾廬快
意猶過屠松門徹九里始見靈山隅佳名自開皇籍甚聞中區
幽芳不時艷地勝乃滋濡招提數四海雄觀宜且無歸途憇壽
星寒碧森萬株蕭騷聒衆響孰辨笙與竽擡眸矚新榜蔚蔚氣
自殊將軍戀清絕勸客頽玉壺道人烹露芽滿盞浮雲腴儻無
方外姿未可同此娛

寒食日

蘇翰林同馬中玉提刑過訪
有詩示怡然并余余次韻之

使君薄珪組富貴良易足一麾下東南千里爭拭目援毫賦山
水詞力瀉溪谷勝游便杖履聒耳厭絲竹西湖破春冰曉漲翻
晴綠相將二使軺導從還屏逐後先度崑壑頽頽追鸞鵠樂事
殊未央酒行宜局促風流俄醉舞坐客瞻頽玉嵒阮真達生秦

